

penanaq tua qadaw

kasicuacuayan, nekanumauqadaw katua qezemezeme. izua drusa qadaw a ika sekesekez a pavavulavulat a pateljar tua i kacauan, madrasi meqecengel a aucauc. sa kacapai tua kinacapan, a cemel a kasiw katua marka ciqaw, macai tua culjuan.

a vuluvulung katua raramaljemaljengan maljavaljavar sa karasudj a kininemeneman, nu panaqen sa katjani a ita qadaw, ki izuanga mauqadaw katua qemezemetj, qau piliqen tu matjelu a rakac, kemacu tu matjelu a kakedrian tu vaik a penanaq tua qadaw. ka cuacuay anga tu vinaikan, ljemaljiak tua vusam nua tjaljayan nua kudamunu katua vusam nua vaqu. na saljinga nu ita si tjumatjumaq, djumaken a sisatjumaq a djalan.

ikakemeljang tu cuacuay anga vinaikan, meramaljemaljeng anga za matjelu a rakac, masan maqacucuvung nga kakedrian. matjatjauvilivililj a macay a i vecekadan a djalan tia sarakac. a pakatua penanaq tua qadaw a pacugan ki avan anga na maqacuvung anga rakac a qemacuvung.

djemaljun tua siljevavaw nua qadaw, azua maculjuan nua qadaw ika tjen a temezeng a kidut, kemaljavaljava i gadugadu tiamadju. ka ljevavaw anga qadaw, teveljen a picul nua matjelu sa pautezi a venkuc a veteljatan,

matu minglayalayap a vakela sa pacengcengi a tjiyalj nua qadaw, maljeqaca a djamuq sa tjurisiq a pasa vangavangaw nua kalevelevan, maqulip a qadaw sa kasan qiljas, aza sinibures a djamuq masan lialiaw a vitjuqan.

ka cemikel i qinaljan aza matjelu na penanaq tua qadaw a rakac, na pequdras anga quvalj, a tjemukuzakuzan. kemasitazua, izua nga mauqadaw katua qezemezemetj, izua sikarakudan katua sisekezan a pakazuan. a qadaw tjasinan tlaljavavan tua cemas anga, avan nuna veneqac tua i kacauan. na masan liyaw aravac a tjaucikel a pakata qadaw. qau, a tjasisupuan tua pakatua kina qadavan, kemasi ta cemedas a qadaw a patje maledep a qadaw. kemasi kadjamadjaman a patj masulem, izua sipenetjan a mayatucu: malialjia, kadjamadjaman, vecekadan a qadaw, pasuvulilj tua cengelj, masulesulem, qezemezemetj. na mapukakudan. sa aicu a pakatua penanaq tua qadaw a tjaucikel, tjimitja kacalisian i Taiwan, na matjatju sasususuan . ljakua liaw a sikamamavan a patarevan, nu tjemaucikel itjen tua kakedrian, avan a sikataliduan sa kitulutulu tua tja kai a pinaiwanan.

射日

以前只有白晝沒有黑夜，兩個太陽輪流照射大地，使得人被曬黑、烤死，草木及魚類也熱死。族長和長老們認為，若把其中一個太陽射下來，就有白天和夜晚，於是挑選三位勇士，帶著三個小孩去射太陽。他們走了很久，三位勇士相繼變老死於途中，射日的責任就由長大成人的勇士完成，正中一個太陽後，太陽消失變成了月亮，噴出的血就變成繁星。

射日英雄回到部落，頭髮斑白，拄著拐杖，從此，大地有了白天和夜晚，人們也有工作和休息的依據。